

Месяца иу́лиа в 31-й день

Предпразднство происхождѣния Честнаго и Животворящаго Креста Господня
и святаго священномученика Вениамина, митрополита Петроградскаго, и иже
с ним пострадавших преподобномученика Сергия и мучеников Юрия и
Иоанна

На велицей вечерни

На Господи, воззвах: стихиры, глас 6:

Измлада неленостно поучаяся в законе Господнем,/ чистою любовью к
Богу возгорелся еси/ и мученическаго подвига желанием уязвился еси,/
священномучениче Вениамине,/ святителю славный Церкви Русския./ Егда же
приведе тя Христос ко жребию оному,/ ничесоже убоаяся, благодарне рекл
еси:/ слава Тебе, Богу нашему, во веки.

Видя Господь добродетели твоя,/ саном архиерейским возвеличи ты/ и,
во укрепление веры Православныя,/ во дни гонения безбожнаго на Церковь
Русскую/ главою митрополии Петроградския постави./ Ты же,
священномучениче Вениамине,/ паству твою мудре ко Христу путеводя,/
образ веры и терпения всем явил еси/ и исповедник непоколебимый
показался еси./ Сего ради ты с любовью прославляем.

Избранный Богом на престол святителей Петроградских,/ не дал еси
покая телеси твоему,/ но, во вся пределы стольнаго града стопы твои
направляя,/ нищия и недужныя посещал еси/ и духом смирения и милосердия
воедино паству твою собирал еси,/ священномучениче Вениамине, отче наш./
Темже молим тя:/ не забуди и нас, любовью ты почитающих,/ но милостивно
посети души наша.

Глаголет Господь во святем Евангелии:/ не убойтесь от убивающих
тело,/ души же не могущих убить./ Сего ради и ты, святе Вениамине,/ слову
Божью следуя,/ прещений власти безбожныя не устрашился еси,/ но,
укрепляемь благодатию Духа Пресвятаго,/ мученическую кончину
доблественне приял еси./ И ныне молися о всех нас,/ да пребудем и мы
неколеблеми и тверди в вере Православней/ во вся дни живота нашего.

Слава, глас 1:

Богу себе предавше,/ стезею любви в жизни сей шествовасте,/
святителю Вениамине и преподобномучениче Сергие,/ вкупе с духовными
чады Юрием и Иоанном,/ егда же буря нечестия на Церковь Русскую
воздвигеся,/ вы, прещений и лжесвидетельств мучителей не убоавшеся/ и
ревностию о Боже связумеи,/ даже до крове за Христа пострадасте./ Нине
же, божественным светом осияваемы,/ молитесь прилежно Богу/ даровати
нам мир и велию милость.

И ныне, Креста, глас тойже:

Днесь яко воистинну/ святовещанный глагол Давидов конец прият:/ се
бо яве пречистых ног Твоих поклоняемся подножию/ и, на сень крилу Твоею
надеемся,/ Всещедрый, вопиём Ти:/ да знаменается на нас свет лица
Твоего./ Православных людей Твоих рог вознеси/ честнаго Креста Твоего
воздвижением,/ Христэ Многомилостиве.

Вход. Прокимен дне и чтения.

Деяний святых апостол чтение (глава 4):

Во дни оны, глаголющим апостолом к людем,/ найдоша на них священницы и воевода церковный, и саддукей,/ жалеюще си, за еже учить им люди и возвещати о Иисусе воскресение мертвых;/ и возложиша на них руки и положиша их в соблюдение до утра:/ бе бо вечер уже./ Мнози же от слышавших слово вероваша:/ и бысть число мужей яко тысящ пять./ Бысть же наутрие собратися князем их, и старцем, и книжником во Иерусалим:/ и Анне архиерею, и Каиафе, и Иоанну, и Александру,/ и елицы беша от рода архиерейска./ И, поставльше их посреде, вопрошаху:/ кою силою, или коим именем сотвористе сие вы?/ Тогда Петр, исполнив Духа Свята, рече к ним:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасеся,/ разумно буди всем вам и всем людем Израилевым,/ яко во имя Иисуса Христа Назорея,/ Егоже вы распясте,/ Егоже Бог воскресил от мертвых,/ о сем сей стоит пред вами здрав./ Сей есть камень, укоренный от вас, зждущих,/ бывый во главу угла,/ и несть ни о едином же ином спасения;/ несть бо иного имени под небесем, даннаго в человецех,/ о немже подобает спастися нам.

Деяний святых апостол чтение (глава 4):

Во дни оны, видяще иудеи Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же их, яко со Иисусом беша;/ видяще же исцеленнаго человека с ними стояща,/ ничтоже имяху противу рещи./ Повелевше же има вон из сонмища изыти,/ стязахуся ко друг другу, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострется в людех,/ прещением да запретим има кому не глаголати о имени сем ни единому от человек./ И призвавше их,/ заповедаша има отнюдь не провещавати, ниже учить о имени Иисусове./ Петр же и Иоанн, отвещавше к ним, реста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Он же, призапещше има, пустиша я,/ ничтоже обреще, како мучити их, людей ради,/ яко вси прославляху Бога о бывшем:/ лет бо быше множае четыредесяти человек той,/ на немже бысть чудо сие исцеления.

Деяний святых апостол чтение (глава 6-7):

Во дни оны, Стефан исполнь веры и силы творяше знамения и чудеса велия в людех. Воста же нецыи от сонма глаголемаго Ливертинска и Киринейска и Александрска, и иже от Киликии и Асии, стязаящися со Стефаном. И не можаху противу стати премудрости и Духу, Имже глаголаше. Тогда подустиха мужы глаголющия, яко слышахом его глаголюща глаголы хульные на Моисеа и на Бога. Сподвигоша же люди и старцы и книжники, и нападше восхитиша его и приведоша на сонмище, поставиша же свидетели ложны глаголющия, яко человек сей не prestaет глаголы хульные глаголя на место святое сие и закон. Слышахом бо его глаголюща, яко Иисус Назорей сей разорит место сие и изменит обычаи, яже предаде нам Моисей. И возревше нань вси сидящи в сонмищи, видеша лице его яко лице Ангела. Рече же архиерей: аще убо сия тако суть? Он же рече: мужие братие и отцы,

послушайте. Бог славы явился отцу нашему Аврааму сущу в Месопотамии, прежде даже не вселиться ему в Харрань, и рече к нему: изыди от земли твоея и от рода твоего и от дому отца твоего, и прииди в землю, юже аще ти покажу. Тогда изшед от земли Халдейския, вселися в Харрань, и оттуду, по умертвии отца его, пресели его в землю сию, на нейже вы ныне живете, и не даде ему наследия в ней, ниже стопы ногу. Соломон же созда Ему храм. Но Вышний не в рукотворенных церквах живет, якоже пророк глаголет: Небо Мне престол есть, земля же подножие ногам Моима. Кий храм созиждете Ми, глаголет Господь, или кое место покоищу Моему? Не рука ли Моя сотвори сия вся? Жестоковънии и необрезанныи сердца и ушесы, вы присно Духу Святому противитесь, якоже отцы ваши, тако и вы. Кого от пророк не изгнаша отцы ваши? И убиша предвозвестившыя о пришествии Праведнаго, Егоже вы ныне предатели и убийцы бысте, иже приясте закон устройением Ангельским и не сохраните. Слышаще же сия, распыхахуся сердца своими и скрежетаху зубы нань. Стефан же сый исполнь Духа Свята, возрев на небо, виде славу Божию и Иисуса стояща одесную Бога, и рече: се вижу небеса отверста и Сына Человеча одесную стояща Бога. Возопивше же гласом велиим, затыкаху уши свои и устремшася единодушно нань, и изведше вне града, камением побиваху его, и свидетелие снемше ризы своя положиша при ногу юноши нарицаемаго Савла, и камением побиваху Стефана, молящася и глаголюща: Господи Иисусе приими дух мой. Преклонь же колена, возопи гласом велиим: Господи, не постави им греха сего. И сия рек успе.

На литии стихира храма и святым, глас 1:

Крестъ всечестнаго непоборимая сила/ укрепляше вас в подвизе вашем,/ святителю Вениамине и преподобномучениче Сергие,/ мученицы святии Юрие и Иоанне, бысте бо избранни, яко вернии рабы Христови,/ славнии исповедницы четверочисленнии,/ во образ четвероконечнаго Креста Господня,/ освящающаго концы вселенныя.

Мученицы четверочисленнии, неповинно убиеннии,/ блажен град, иже прият телеса ваша,/ и земля, яже напоена вашими кровьюми,/ вы бо, Христа всем сердцем возлюбивше,/ даже до смерти верни Тому пребыли есте./ Ныне же, с лики новомучеников и исповедников Церкви Русския/ Престолу Пресвятыя Троицы предстояще,/ молитвы ваши Богу вознесите,/ да сохранит град и страну нашу в мире и единомыслии/ и избавит ны от прещения Своего праведнаго.

Слава, глас тойже:

Егда мучители безбожнии смерти вас предаваху,/ ты, святителю Вениамине,/ крестным знаменем себе ограждал еси/ и молитву благодарения Богу возносил еси./ Ты же, преподобномучениче Сергие,/ о вразех твоих молитвенно воздыхая, вопиял еси:/ прости им, Боже, не ведят бо, что творят./ Купно с ними и вы, мученицы Иоанне и Юрие,/ страх смерти презревше,/ ко страданию мужественно потекли есте./ Ныне же, святии, во славе Небесней пребывающе,/ с лики ангельскими Святую Троицу прославляете.

И ныне, Богородичен, глас тойже:

Се исполнися Исаиино проречение:/ Дева бо родила еси/ и по рождестве, яко прежде рождества, пребыла еси,/ Бог бо бе Рождейся, темже и естества новопресече./ Но, о Богомати,/ моления Твоих рабов,/ в Твоем храме приносимая Тебе, не презри,/ но яко Благоутробнаго Твоима рукама носящи,/ на Твоя рабы умилосердися/ и моли спастися душам нашим.

На стиховне стихиры, глас 2.

Подобен: Егда от Древа:

Егда лжепастырие лукавии/ власть церковную восхитити и стадо словесное расточити восхотеша,/ тогда в бегство не обратился еси,/ архиерею доблестный Вениамине,/ и кормило корабля церковнаго,/ еже вручи тебе Господь, а не человек,/ в руке чуждых не предал еси,/ но пастырь добрый показался еси,/ полагаяй душу твою за овцы твоя.

Стих: Священницы Твои облекутся в правду/ и преподобнии Твои возрадуются.

Егда отступники, предания церковная отвергающия/ и новыя обычаи вводящия,/ от Церкви Святыя отлучил еси,/ тогда ты, святителю Вениамине,/ теми в руке безбожных предан был еси,/ иже на смерть ты неправедно осудиша./ Сего ради мученическим венцем украсился еси/ и Небесная сокровища обрел еси,/ светлая красота града нашего.

Стих: Честна пред Господем/ смерть преподобных Его.

Егда безбожнии мучителие/ прещении лживыми тя устрашаху/ и воли своей покорити тщахуся,/ тогда, иерарше предивне,/ ревностию по Бозе распалаемь,/ в броню правды облеклся еси/ и, твердость веры неколебимо являя,/ мученическую смерть приял еси,/ верным людям образ терпения показуя.

Слава, глас тойже:

Ведому ти на судище беззаконное,/ вси вернии на стогнах Петра града/ сретяху тя, страсотерпче святой Вениамине,/ и, во умилении сердечном колена своя преклоняюще,/ со слезами воспеваху песнь церковную:/ спаси, Господи, люди Твоя.

И ныне, глас тойже:

Ты ми покров державен еси,/ тричастный Кресте Христов:/ освяти мя силою твоею,/ яко да верою и любовью поклоняюся и славлю тя.

На благословении хлебов тропарь святого дважды, глас 1:

Светильник всесветлый во граде святого Петра явился еси,/ пастырю добрый, священномучениче отче Вениамине./ Любовь и милосердие в сердцах верных насаждая,/ благотворити призывал еси терпящим глад и нищету./ Сего ради и мы к тебе прибегаем/ и с верою вопием ти:/ моли Милостиваго Бога,/ отечество наше в Православии и благочестии утвердити,/ мир Церкви даровати/ и душам нашим велию милость.

И тропарь Креста, глас 1:

Спаси, Господи, люди Твоя,/ и благослови достояние Твое,/ победы православным христианом на сопротивных даруя,/ и Твое сохраняя Крестом Твоим жительство.

На ўтрени

На Бог Господь: тропарь Креста дважды. Слава, тропарь святого. И ныне, тропарь Креста.

По 1-м стихословии седален, глас 3:

Посрамил еси, святе Вениамине, лжеучители нечестивыя,/ слово евангельское искажившия и разделение в Церкви произведшия./ Тщетно бо тии словеси льстивыми склоняху тя от истины Христовой отступить/ и паству, юже ти Бог вручи, оставити./ Ты же, святителю, десницею Божиею укрепляемь,/ тверд и непреклонен до конца пребыл еси.

Слава, и ныне, Богородичен:

Пресвятая Дево, Отроковице Препоблагословенная,/ блаженна еси, Христа Бога рождши,/ темже облаженствуй Того воли повинующияся.

По 2-м стихословии седален, глас 8:

Аще и торжествоваху беззаконнии,/ иже искаша погибели твоея, архипастырю и мучениче достославне,/ но привременне и память их погйбе с щумом./ Твое же имя, яко Истины поборника, сияет на Небесех/ и слава твоя во веки пребывает неизменна.

Слава, и ныне, Богородичен:

Пречистая Богородице, Спаса Христа неизреченно рождающая/ Егоже моли со священномучеником Вениамином и всеми святыми,/ во еже просветити и спасти род наш.

Величание:

Величаем вас,/ святии новомученицы Вениамине, Сергие, Юрие и Иоанне,/ и чтим честная страдания ваша,/ яже за Христа/ претерпели есте.

Псалом избранный:

Бог нам Прибежище и Сила.

Господи, воздвигни силу Твою и прииди, во еже спасти ны.

Глаголах о свидениях Твоих пред царей и не стыдяхся.

Вси языцы обыдоша мя, и именем Господним противляхся им.

Тебе ради умерщвляемся весь день, вменихомся яко овцы заколения.

Крепость моя и пение мое Господь и бысть мне во спасение.

По полиелее седален, глас 1:

Испыта тя Господь, святителю славно, и обрете верна Себе/ и, яко злато в печи страданий, очистив,/ яко волну, убели тя./ Ты же, прошед сквозь огонь и воду,/ обрел еси вечный покой, о камению драгий, украшение Церкви нашей.

Слава, и ныне, Богородичен:

Честнейши явилася еси Херувим,/ на земли рождающая Христа, всех Владыку,/ Чистая Всенепорочная Владычице.

Степенна, 1-й антифон 4-го гласа. Прокимен, глас 4: Проидохом сквозь огонь и воду,/ и извел еси ны в покой. Стих: Разжегл ны еси, якоже разжизается сребро. Всякое дыхание: Евангелие от Матфея, начало 36.

По 50-м псалме стихира, глас 6:

Небеса возвеселишася во страдании вашем,/ святителю Вениамине и преподобномучениче Сергие,/ мученицы Иоанне и Юрие,/ воины честнии Христа Бога нашего четверочисленнии./ Ныне, во Царствии Небеснем неразлучны пребывающе,/ молитесь ко Господу/ о умирении и спасении душ

наших.

Канон святых, глас 8.

Песнь 1

Ирмос: *Воду прошед, яко сушу,/ и египетскаго зла избежав,/ израильтянин вопияше:/ Избавителю и Богу нашему поим.*

Припев: Священномучениче Вениамине, моли Бога о нас.

От юности Христа всем сердцем возлюбив,/ шествовати ангельским путем изволил еси,/ в молитвах же неустанных пребывая,/ жертву духовную Богу принесл еси, святителю Вениамине.

Якоже отец чадолюбивый явился еси многим:/ нищим и сирым, странным и убогим, грехми обремененным и в бедах и болезнях сущим,/ сокрушения и раны их исцеляя,/ Вениамине сострадательне и преславне.

Простирал еси десницу помощи одержимым недугом пьянства,/ воздержание тем проповедуя и жизнь во Христе тех устраоя,/ наипаче же образ кротости и милосердия являя, Вениамине всехвальне.

Богородичен: Обрет Тя, Всечистая, честнейшую всея твари,/ воплотитися из Тебе благоволи Зиждитель и Бог всех,/ падшаго Адама восставить промысливый.

Песнь 3

Ирмос: *Небесного круга Верхотворче, Господи,/ и Церкви Зиждителю,/ Ты мене утверди в любви Твоей,/ желаний краю, верных утверждение,/ Едине Человеколюбче.*

Словом евангельским паству твою неленостно наставляя, святителю Вениамине,/ душу твою за люди по вся дни полагал еси./ Сего ради Богом прославлен бысть,/ яко достойный архиерей града святого Петра.

Любве ради к Богу вольней нищете покорился еси, архипастырю Петроградский,/ темже во дни испытаний лютых Христос дарова ти благодать не токмо веровати в Него,/ но и за Него пострадати.

О службах Божиих тщание являя,/ в молитвах и бдениих с паствою присно пребывал еси,/ храмы же Господни от поругания защищая,/ православная братства устраоя еси, Вениамине преславне.

Богородичен: Чистоты и девства Сосуде избранный/ и Сына Божия честное Селение,/ Пренепорочную Владычицу, приидите, вернии, песнями достойно почтим.

Седален, глас 4:

Не поставляют свещу зажженную под спудом,/ но на свещнице, рече Господь./ Тако просветишася светом добродетелей твоих, отче Вениамине,/ людие Церкви Русския,/ совершающая днесь преславно святую память твою.

Слава, и ныне, Креста, глас тойже.

Подобен: Вознесыйся:

Светло небо показуется паче солнца светом Крестным/ просвещает всяческая зарю своею./ Темже Ты, Человеколюбче, Спасе всяческих,/ просвети ум наш его ради и чувства:/ мы бо имамы того оружие миру, непобедимую победу.

Песнь 4

Ирмос: Ты моя Крепость, Господи,/ Ты моя и сила,/ Ты мой Бог, Ты мое радование,/ не оставь недра Отца/ и нашу нищету посетив./ Тем с пророком Аввакумом зову Ти:/ силе Твоей слава, Человеколюбче.

Гонимыя и мучимыя небоязненно укреплял еси,/ гонители же с мучители кротко вразумлял еси,/ прещений тех не страшась, святителю Христов Вениамине,/ тверд пребывая посреде всех навет вражиих.

Стезю правды Христовой неуклонно шествовал еси/ и паству твою, богомудре Вениамине, на путь спасения направлял еси, глаголя:/ подобает душу свою полагати за Христа даже до смерти.

Не возмогоша нечестивии крепость души твоя одолети/ и твердость исповедания твоего победити, священномучениче досточудне,/ ты бо, в сердце своем победное Креста знамение нося,/ веру Христову дерзновенно утверждал еси.

Богородичен: О, Дево Неискусобрачная!/ Ты в рождестве Девою пребыла еси/ и по рождестве Приснодевою явилася еси./ Тем немолчными гласы Тя, Владычице, величаем.

Песнь 5

Ирмос: Просвети нас повелении Твоими, Господи,/ и мышцею Твоею высокою/ Твой мир подаждь нам,/ Человеколюбче.

Щедраго даятеля любит Господь,/ вопиял еси в сердце твоём, святителю нищелюбче,/ темже, непрестанное попечение о страждущих имея,/ верных милостыню неоскудно подавати научал еси.

Любовию ко алчущим болезнуя,/ молитву теплую ко Пречистой Богородице принесл еси/ и ризу от честнаго образа Ея,/ яко жертву добровольную, нуждающимся подал еси.

Егда прииде время смуты лютыя и востания безбожных,/ люди от кровопролития премудре удержал еси./ Нечестивии же оболгаху тя, исповедниче Христов,/ злом за добро тебе воздавая.

Богородичен: О, Мати Божия, рождающая Всеблагое Слово!/ Души моея озлобление исцели/ и на путь покаяния направи.

Песнь 6

Ирмос: Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приблизися,/ и молюся, яко Иона:/ от тли, Боже, возведи мя.

Егда отступницы нечестивии,/ предания церковная отвергающия и нововведения лъстивно вводящая, ополчишася на тя,/ тогда ты, богомудре Вениамине, неложно учил еси,/ како подобает в дому Божиим жити,/ яже есть Церковь Бога Жива, столп и утверждение Истины.

Егда отступницы от веры лжами и клеветами оболгаху тя/ и в рuce грешников предаша,/ ты, святителю, яко истинный раб Христов, в вере пребывая, кротце рекл еси:/ радостне ми есть Христа ради вся терпети от своих и чуждых.

Пред мучители на судищи предстоя,/ о правде Божией свидетельствовал еси, святителю, глаголя:/ не вем, яко возвестите ми,/ еже жити или умерети./ Обаче очи свои горе возведу и реку:/ за вся, Господи,

сла́ва Тебе́.

Богоро́дичен: Глас архангела Гаври́ила, Де́во Всенепоро́чная, ны́не Тебе́ приносим:/ ра́дуйся, Благода́тная, Госпо́дь с Тобо́ю.

Конда́к, глас 6:

От ю́ности крест Христо́в на ра́мо взём,/ и́стинный стра́ж Правосла́вныя Це́ркве яви́лся еси́,/ священному́чениче Вениа́мине./ Клевету́, у́зы, оплевания, и суд непра́ведный/ от беззако́нных му́жественне претерпева́я,/ святы́ню церко́вную на поруга́ние не пре́дал еси́./ Те́мже и Христо́с да́ром терпе́ния и любве́ тя испо́лни,/ во е́же пред му́ченическою кончи́ною/ со благода́рением взыва́ти:/ за вся, Го́споди, сла́ва Тебе́.

И́кос:

Яви́ ты Госпо́дь, святите́лю о́тче Вениа́мине,/ украше́ние гра́ду на́шему ве́лие,/ дивна́го предста́теля о лю́дех твои́х,/ и́стиннаго свидете́ля пра́вды Бо́жия,/ наста́вника заблуждшим,/ любве́ и кро́тости пра́вило,/ свети́льника во тьме грехо́вней сия́юща,/ му́ченика дерзнове́ннаго,/ испове́дника твёрда́го,/ столпа неколеби́мага Це́ркве на́шея,/ и ве́рнаго служи́теля Своего́, рекша́го:/ за вся, Го́споди, сла́ва Тебе́.

Песнь 7

Ирмо́с: *От Иудеи дошедше отроцы/ в Вавилоне иногда,/ верою Тройческою пламень пещный попраша, поюще:/ отцев Боже, благословен еси.*

От ю́ности по́двигом святы́х страстоте́рпцев приобщи́тися желая́,/ ча́шу страданий испил еси́, святите́лю Вениа́мине./ Те́мже увенча́ ты Госпо́дь венце́м му́ченическим, взыва́юща:/ благослове́н еси, Го́споди, Бо́же, во веки.

Боре́нием вну́тренним в темни́це томимь,/ во́ли Бо́жией всеце́ло преда́лся еси́, му́чениче добропобе́дный,/ и, покое́м Небе́сным испо́лнися, яко отроцы в печи Вавилонстей воспевал еси:/ благословен еси, Госпо́ди, Бо́же, во веки.

Во узи́лици сый,/ ча́шу страда́ний, предугото́ванную тебе́, до конца́ испил еси́, му́чениче пресла́вне,/ и, ве́лиих утешений и ра́дости неизрече́нных от Ду́ха Свята́го удосто́ився,/ добропобе́дне взывал еси:/ благословен еси, Госпо́ди, Бо́же, во веки.

Богоро́дичен: Вы́шшая Небе́сных сил, Еди́на от веко́в Ты явилася еси́, Богороди́тельнице,/ Зижди́теля бо и Творца́ всяческих родила́ еси́ нескза́нно,/ Всечи́стая Влады́чице.

Песнь 8

Ирмо́с: *Царя Небеснаго,/ Егоже поют вси Ангельстии/ хвалите и превозносите во вся веки.*

Па́стырей Це́ркве Христовой назидáл еси́, му́дре архиере́ю,/ да все упова́ние на Бо́га возложат и ве́рою неколебле́мою воору́жатся,/ Спаси́тель бо наш сохра́нит Це́рковь Свою́ неруши́му до сконча́ния ве́ка.

Христо́с наша Жи́знь, Свет и Покóй,/ с Нимже и в темни́це добро́ есть бы́ти,/ си́це наста́влял еси́ па́ству твою́, святите́лю Вениа́мине,/ и предуготовля́л еси́ ю́ к страданием, взывая:/ Го́спода пойте и превозносите во вся веки.

Не аз спаса́ю Це́рковь, но Е́ю сам спаса́юся,/ та́ко смире́нно помышля́л

еси́, священномучениче Вениамине./ Сего́ ради нимáло страшíлся еси́ о судьбѣ Невѣсты Христовы, взывая:/ Гóспода пойте и превозносите во вся веки.

Богорóдичен: Жезл из кóрене Иессеева, Дѣво, была́ еси́./ Цвет возрастíвши, Христа Жизнодавца./ благодáть всем подающаго, взывающим:/ благословíte, вся дела́ Госпóдня, Гóспода.

Песнь 9

Ирмос: *Воистинну Богородицу,/ Тя исповедуем,/ спасеннии Тобою, Дево Чистая,/ с Безплотными лики Тя величающе.*

Не посрамíм вѣры Правослáвныя и упováния нáшего,/ яже есть надежда благ вѣчных,/ сими словесы́ в гонениих укрепля́л еси́ паству твою́, святителю Вениамине,/ исполняя́ служéние своё да́же до смерти.

Мужественне смѣрть прияти уготавлиаяся,/ сострадальцы твоя укрепля́л еси́/ и, вся благодарне претерпевая,/ мучители твоя благословил еси́, Вениамине терпеливодушне.

Исполнися слово апóстольское во страдании вáшем, мученицы четверочíсленнии,/ я́ко ни скорбь, ни гонéния, ни настоящая, ни грядущая/ не возмо́гут вѣрныя отлучíти от любвѣ Бóжия./ Сего́ ради вас ублажа́ем.

Богорóдичен: Тя, неискусомужно рóждшую Жизнодавца и Спáса./ Богорóдицу воистину исповедуем и мо́лим прилэжно,/ избáви нас от всякия скóрби и болезни моли́твами Твоими, Мáти Дѣво.

Светíлен:

В мíре скóрбни бóдете,/ но дерзáйте, я́ко Аз победíх мир, глаго́ла Госпóдь учеником Своим./ Сей завет Христов дóбре храни́л еси́, архиерею́ праведный,/ и побéдно восшéл еси́ во свѣтлыя чертóги Цáрства Небéснаго.

Слáва, и ны́не, Крестá:

Крест предпразднуется и мир освящáется,/ чíни áнгельстии пою́т нас ради Распéншагося./ и торжествуют с нáми и срáдуются, Давíдски зовуще:/ содела спасéние посреде́ земли, Влады́ко.

На хвалíteх стихíры, глас 8:

Священномучениче Вениамине, Церкви Христовы истинный сыне/ и благостояния Ея усердный ревнителю,/ противу лжепастырей, тщащихся расхитити стадо твое,/ мужественне стал еси́/ и, не убоявся прещений и лжесвидетельств мучителей,/ обратил еси́ суд на главу судивших тя./ таже смертью твоею Православие утвердил еси́./ Сего ради ты усердно ублажаем.

Ни словес плетением,/ ни мудростию человеческою,/ но пáче простотою и правдою/ прóповедь тво́я, иерáрше досточóдне, исполнена бысть,/ глубины́ сердечныя достига́ющи/ и вѣру правую в людех укрепля́ющи./ Сего́ ради, я́ко истиннаго пастыря./ вси ты с любовью́ почитаем.

Духом евангельския любве пламенея/ и о пастве твоей болéзную,/ жилища страждущих и убóгих посещáл еси́/ и, многих на путь истины наставляя,/ во ограду церковную приводил еси́./ Темже ты, святителю́ отче Вениамине,/ я́ко пастыря́ добраго и наставника верна ведуще,/ с любовью́ благочестно почитаем.

Клевету́ от человек беззакóнных,/ суд неправедный и предáтельство

лжебратий,/ мужественне претерпел еси,/ священномучениче Вениамине,/ таже и смерть за Христа приял еси/ и жребия высокога удостоился еси./ Сего ради с любовью почитаем тя/ и совершаем всечестную память твою.

Слава, глас 6:

Приидите, вернии, составим лик,/ торжествуяще и Бога прославляюще/ в память новомучеников четверочисленных:/ Вениамина святителя и Сергия преподобномученика,/ вкупе с мученики добропобедными Юрием и Иоанном,/ сии бо, Церковь Христову защищающе,/ не уклонишася скорби,/ ни убояшася темницы/ и, яко агнцы незлобвии, смерть прияша./ Ныне же в радости святых предстоят/ и молят Троицаго Бога/ о земнем отечестве нашем.

И ныне, Креста, глас тойже:

Пророчестии гласи Древо святое провозвестиша,/ имже древняя клятвы смертныя свободися Адам,/ тварь же днесь возносиму тому созовышает глас,/ яже от Бога просящи богатыя милости./ Но единый в благоутробию, Безмерный Владыко,/ очищение буди нам/ и спаси души наша.

На Литургии

Блаженны от канона песни 3-я и 6-я. Прокимен, глас 7: Честна пред Господем/ смерть преподобных Его. **Стих:** Что воздам Господеву о всех, яже воздаде ми? **Апостол к Римляном, зачало 99.** **Аллилуиа, глас 6:** Священницы Твой облекутся в правду,/ и преподобнии Твой возрадуются. **Стих:** Бог нам Прибежище и Сила, Помощник в скорбех, обретших ны зело. **Евангелие от Луки, зачало 106.** **Причастен:** В память вечную будет праведник:

Молитва

О, избранный угодниче Христов, священномучениче Вениамине, Церкви Русския столпе непоколебимый, земли нашае благое прозябение и красный плод, паствы твоея предстателю и наставниче! Ты во время гонения безбожнаго от сокровищницы души твоея спасительное исповедание Православныя веры изнесл еси, и верным людем града святаго Петра пастырь добрый явился еси, душу твою за Христа и Его овцы полагая и лютыя волки далече отгоняя, сострадание являя и братолюбие утверждая. В сердце же свое Христа восприем, посреде бурь житейских сердечную молитву и мир душевный хранил еси. Ныне убо призри на нас, недостойных чад твоих, умиленною душею и сокрушенным сердцем ты призывающих. Утверди нас в вере святей, научи ны всегда творити волю Божию и хранити заповеди церковныя. Буди пастырем нашим правило веры, воином вождь духовный, недужным врач изрядный, печальным утешитель, гонимым заступник, юным наставник, всем же благосердый отец и теплый молитвенник, яко да молитвами твоими соблюдется в Православии Отечество наше и град твой, и непрестанно славится в них имя Пресвятыя Троицы, Отца и Сына и Святаго Духа во веки веков. Аминь.